



გორის მუნიციპალიტეტის

საკრებულო

განკარგულება № 100

2022 წლის 13 მაისი

გორის მუნიციპალიტეტის მერიის ადმინისტრაციული და შესყიდვების სამსახურის ,, მერიის წარმომადგენლების და წარმომადგენლების ასისტენტების საქმიანობის კოორდინაციის განტოფილების“ მიერ 2021 წლის მაისიდან გაწეული საქმიანობის ანგარიშის შეფასების შესახებ

გორის მუნიციპალიტეტის საკრებულო, მის მიერ მიღებულ გადაწყვეტილებათა შესრულებაზე, მერიის საქმიანობაზე, თვითმმართველი ერთეულის ქონების მართვასა და თვითმმართველი ერთეულის ბიუჯეტის შესრულებაზე ახორციელებს კონტროლს. აღნიშნული კონტროლის განხორციელების ერთ-ერთ ფორმას წარმოადგენს ანგარიშის მოსმენა, რომელიც გაწერილია საკრებულოს სამუშაო გეგმებში. საკრებულოს სამუშაო გეგმის შესაბამისად საჭიროა მოსმენილ იქნას და შეფასდეს გორის მუნიციპალიტეტის მერიის ადმინისტრაციული და შესყიდვების სამსახურის ,, მერიის წარმომადგენლების და წარმომადგენლების ასისტენტების საქმიანობის კოორდინაციის განტოფილების“ მიერ 2021 წლის მაისიდან გაწეული საქმიანობის ანგარიში.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის 1-ლი პუნქტის „გ.ა“ ქვეპუნქტის და 61-ე მუხლის 1-ლი და მე-2 პუნქტების შესაბამისად:

1. დადებითად შეფასდეს გორის მუნიციპალიტეტის მერიის ადმინისტრაციული და შესყიდვების სამსახურის ,, მერიის წარმომადგენლების და წარმომადგენლების ასისტენტების საქმიანობის კოორდინაციის განტოფილების“ მიერ 2021 წლის მაისიდან გაწეული საქმიანობის ანგარიში (დანართი თან ერთვის).
2. განკარგულება ძალაში შევიდეს ხელმოწერისთანავე.
3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე

ანგარიში

გორის მუნიციპალიტეტის მერიის ადმინისტრაციული და შესყიდვების სამსახურის, “მერის წარმომადგენლების და წარმომადგენლების ასისტენტების საქმიანობის კოორდინაციის“ განყოფილების მიერ გაწეული საქმიანობის შესახებ (2021 წლის მაისი - 2022 წლის აპრილი)

მერის წარმომადგენლების და წარმომადგენლების ასისტენტების საქმიანობის კოორდინაციის განყოფილების ჩამოყალიბება განხორციელდა ორ ეტაპად. პირველ ეტაპზე, გორის მუნიციპალიტეტის საკრებულოს 2017 წლის 24 ნოემბრის N20 დადგენილებით გორის მუნიციპალიტეტის მერიის საშტატო ნუსხაში შეტანილი ცვლილებით ადმინისტრაციული და შესყიდვების სამსახურში შეიქმნა „მერის წარმომადგენლების ასისტენტების საქმიანობის კოორდინაციის განყოფილება“, რომელის შემადგენლობაშიც გათვალისწინებული იყო ერთი შტატი - განყოფილების უფროსი და 65 - შტატი მერის წარმომადგენლების ასისტენტი, მათ შორის: 26 - IY რანგის I კატეგორიის უმცროსი სპეციალისტი, თანამდებობრივი სარგო 560 ლარი; 12 - IY რანგის II კატეგორიის უმცროსი სპეციალისტი, თანამდებობრივი სარგო 540 ლარი და 27 - IY რანგის III კატეგორიის უმცროსი სპეციალისტი, თანამდებობრივი სარგო 520 ლარი.

მოგვიანებით, მას შემდეგ, რაც მერის წარმომადგენლებს მიენიჭათ III რანგის I კატეგორიის პროფესიული საჯარო მოხელის სტატუსი, გორის მუნიციპალიტეტის საკრებულოს 2018 წლის 09 თებერვლის N 10 დადგენილებით, გორის მუნიციპალიტეტის მერიის საშტატო ნუსხაში შეტანილი ცვლილებით განყოფილებას ეწოდა „მერის წარმომადგენლების და წარმომადგენლების ასისტენტების საქმიანობის კოორდინაციის განყოფილება“ და მის შემადგენლობაში შემოყვანილ იქნა 33 მერის წარმომადგენელი, თანამდებობრივი სარგო 1100 ლარი. განყოფილებას დაემატა აგრეთვე ორი III რანგის I კატეგორიის უფროსი სპეციალისტის შტატი, თანამდებობრივი სარგო 900 ლარი. ამ დადგენილებითვე მერის წარმომადგენლების ასისტენტებს გაეზარდათ თანამდებობრივი სარგოები და შესაბამისად შეადგინა: IY რანგის I კატეგორია - 700 ლარი, ხოლო IY რანგის II კატეგორია და IY რანგის III კატეგორია - 650 ლარი.

2020წლის 24 თებერვლიდან, საქართველოს კანონში „საჯარო სამსახურის შესახებ“ შეტანილი ცვლილებების შედეგად, მერის წარმომადგენლები და ასისტენტები ითვლებიან ადმინისტრაციული ხელშეკრულებით დასაქმებულ პირებად და ამდენად, ისინი აღარ არიან განყოფილების შემადგენლობაში. განყოფილების შტატები განისაზღვრა შემდეგი შემადგენლობით: განყოფილების ხელმძღვანელი - 1; III რანგის, I კატეგორიის უფროსი სპეციალისტი - 2; IV რანგის, III კატეგორიის უმცროსი სპეციალისტი - 1.

აღნიშნული ცვლილებების შემდეგ, გორის მუნიციპალიტეტის საკრებულოს 2020 წლის 13 მარტის N12 დადგენილებით განყოფილებას დამატებით დაემატა ისეთი ფუნქციების შესრულება, როგორცაა: საქონლის ადგილწარმოშობის, ხე-მცენარეების ადგილწარმოშობის, პირის კონკრეტულ მისამართზე ფაქტიური ცხოვრების, პირის საოკუპაციო გამყოფ ხაზთან მდებარე სოფელში ფაქტიური ცხოვრების, მამკვიდრებლის უძრავი ქონების ფლობის შესახებ მერის მიერ გასაცემი ცნობების პროექტების შემუშავება, მერის წარმომადგენლების მიერ წარმოდგენილი მოხსენებითი ბარათების საფუძველზე. ჩვენს მიერ მზადდება აგრეთვე სხვადასხვა სახელმწიფო უწყებაში და მოქალაქეებისთვის გასაგზავნი წერილების პროექტები.

განვლილ პერიოდში განყოფილების თანამშრომლების მიერ გაწეულია მნიშვნელოვანი სამუშაო, როგორც მუნიციპალიტეტის მოსახლეობიდან და სხვადასხვა ორგანიზაციებიდან შემოსულ კორესპონდენციის შესწავლის და მათზე დროული რეაგირების მიმართულებით, ასევე მერიის ხელმძღვანელობის და ზემდგომი სამსახურებიდან მიღებული დავალებების შესრულების თვალსაზრისით.

საანგარიშო პერიოდში სულ განყოფილებაში შემოსულია და შესაბამის ადრესატებზე გადაწერილია დაახლოებით 1975 ერთეული წერილი და სხვა სახის კორესპონდენცია, მათ შორის ძირითადი რაოდენობა არის მუნიციპალიტეტის მოსახლეობიდან შემოსული განცხადებები, რითიც მუნიციპალიტეტში მცხოვრები მოქალაქეები ძირითადად ითხოვენ: ცნობას საცხოვრებელი ადგილიდან და შუამდგომლობას „სოკარ ჯორჯია გაზთან“ ბუნებრივი აირის შეყვანის თაობაზე, მაღალმთიან დასახლების სტატუსის მქონე სოფლებში მუდმივად ცხოვრების ფაქტის დადასტურებასთან დაკავშირებულ საკითხებზე, გამყოფ ხაზთან მიმდებარე სოფლებში ცხოვრების ფაქტის დადასტურების თაობაზე და სხვა. შემოსული წერილების ძირითადი რაოდენობა მოდის საქართველოს იუსტიციის სამინისტროს, საჯარო რეესტრის ეროვნულ სააგენტოდან შემოსულ წერილებზე, რითიც ძირითადად გვაცნობებენ: მუნიციპალიტეტის ტერიტორიაზე მდებარე იმ მიწის ნაკვეთების შესახებ, რომლებზეც სააგენტოში მიმდინარეობს ადმინისტრაციული წარმოება და დაგეგმილია აღნიშნული ნაკვეთების ადგილზე დათვალიერება, შემდგომში დაინტერესებულ პიროვნებებზე დარეგისტრირების ან არ დარეგისტრირების მიზნით.

საქართველოს მთავრობის 2018 წლის 28 დეკემბრის N654 დადგენილების შესაბამისად, საქართველოს მთავრობის, 2022 წლის 15 თებერვალის N277 განკარგულებით, სოფლის მხარდაჭერის პროგრამის ფარგლებში განსახორციელებელი პროექტების დასაფინანსებლად, 2022 წლისათვის გორის მუნიციპალიტეტის 112 დასახლებულ პუნქტზე, საქართველოს რეგიონებში განსახორციელებელი პროექტების ფონდიდან გამოყოფილი იქნა 1 596 000 ლარი.

სოფლის მხარდაჭერის პროგრამის ფარგლებში განსახორციელებელი პროექტების შერჩევის მიზნით განყოფილების მიერ, გორის მუნიციპალიტეტის მერის 2022 წლის 16 თებერვალის Nბ20.202204712 ბრძანების საფუძველზე, გორის მუნიციპალიტეტის ყველა დასახლებულ პუნქტში რომელზეც, ზემოთ მითითებული განკარგულებით, გამოყოფილი იყო თანხა, გაიმართა კონსულტაცია(47 დასახლებული პუნქტი) ან დასახლების საერთო კრება(65 დასახლებული პუნქტი). მოსახლეობასთან კონსულტაციები და დასახლების საერთო კრებები ჩატარდა ჩვენი განყოფილების ორგანიზებით და არცერთ შეხვედრაზე, რაიმე სახის გართულებას ადგილი არ ჰქონია.

აღნიშნულ კონსულტაციებზე და კრებებზე, მოსახლეობის უმრავლესობის აზრის და სურვილის გათვალისწინებით შერჩეული იქნა ყველა დასახლებულ პუნქტში განსახორციელებელი პროექტი, რომლებიც ჩვენს მიერ შეტანილია შესაბამის ოქმებში და გადაცემულია კომპეტენტურ სამსახურებზე შემდგომი რეაგირებისათვის.

მუნიციპალიტეტის მოსახლეობის მხრიდან, ცნობების მიღების, თხოვნის დაკმაყოფილების მიზნით, განყოფილების სპეციალისტების მიერ მომზადებულია: საოკუპაციო გამყოფ ხაზთან ფაქტობრივი ცხოვრების შესახებ, გორის მუნიციპალიტეტში კონკრეტულ მისამართზე ფაქტობრივი ცხოვრების შესახებ, საოკუპაციო გამყოფ ხაზთან მდებარე სოფელში ფაქტობრივი ცხოვრების შესახებ, გორის მუნიციპალიტეტის ტერიტორიაზე მამკვიდრებლის კუთვნილი ქონების ფლობის ან სარგებლობის შესახებ, ხე-ტყის ადგილწარმოშობის შესახებ, სოფლის მეურნეობის პროდუქციის ადგილწარმოშობის შესახებ, ცნობების ან წერილების პროექტები, სულ დაახლოებით 6570 ერთეული.

მნიშვნელოვანი სამუშაოა გაწეული ჩვენი სპეციალისტების მიერ, „თვითნებურად დაკავებულ მიწებზე საკუთრების აღიარების კომისიის“ საქმიანობაში, მოსახლეობის მხრიდან საჯარო რეესტრის სააგენტოში შეტანილი განცხადებების ადგილზე შესწავლის მიმართულებით.

განყოფილების თანამშრომლების მიერ, კოორდინაცია გაეწია მუნიციპალიტეტის ყველა ადმინისტრაციულ ერთეულში მოსახლეობასთან შეხვედრებს, სადაც შერჩეული იქნა ის პროექტები, რომლებიც უნდა განხორციელდეს 2022 წელს, სამოქალაქო ბიუჯეტის დაფინანსების ფარგლებში.

წარმატებით გადავიდა ჩვენი განყოფილება მუშაობის ელექტრონული სისტემის ახალ პროგრამაზე. განყოფილების თანამშრომლები ყოველგვარი შეფერხების და ხარვეზის გარეშე აგრძელებენ მუშაობას დასმული საკითხების და დავალებების შესრულების მიმართულებით.

განყოფილების ხელმძღვანელი: ლუტო თოდაძე, 21.04.2022